

四庫全書

集部

欽定四庫全書

閑居叢稿卷五

元 蒲道源 撰

七言律詩

與蒙古經歷

幕中郁有古風還畫諾須教刺史閑
但得胸襟清似水何憂簿領疊如山
四書至味沉潛外三歎遺音雅淡間
大器晚成天意在不勞驚訝鬢毛斑

與金州唐節使

少年交結盡名流，氣壓元龍百尺樓。
曾出奇謀清朔漠，更教遺愛及西州。
百篇囊有珠璣積，一話胸無芥蒂留。
早晚漢城催報政，定將興學占先籌。

餞張南發兵後求姪孫

淚灑鵠原惟一息，魂消鳳嶺更諸孫。
崑山焚玉劫灰冷，合浦還珠天理存。
跋涉可能嗟歲暮，團樂猶及見春溫。
當途果有成人美，愛助須教薄俗敦。

賀扈宰樂山亭

面對終南第一亭光芒時動少微星
心閒老去稀華髮
眼淨朝來望翠屏
拄笏雅知多爽氣
移文何用託山靈
欲參靜壽無言荅
萬古相看只麼青

晉御叅軍美解

悃幅無華語最真
慈祥融作滿城春
官期已代寧堪客
鄉思難裁正為親
秦嶺雲寒凝別恨
鄜州月滿望歸人
劇談曾美茲風土
傾蓋他年定有因

送謝書吏入察院

年來靚面記凡三傾寫今回得細談吏習豈容甘窘束
聖經似欲苦竒探置身清要期無負著跡廉能自不慙
擬託梅花泥行色驛胥門外報征驂

與張彥雄典史

簿領生平已白頭漫漫宦海嘆沉浮久拚袖手閒中過
未肯馳心分外求自昔事人惟直道祇今起廢得賢侯
不虧公賦舒民力贊畫須看第一籌

白鬚一莖戲示德衡

世間涅白成緇易髭鬢還能黑變皤萬事塵埃常作惱
一莖霜雪總嫌多情人歎鑷真堪笑顧我耽吟已被魔
五五青春猶見此不知衰老更如何

和雲南張叅政韻

一泓止水湛天君妍醜須教物自分明月照開蠻徼地
清風吹破瘴江雲絲綸方重當今選竹帛終垂異日勲
擬藉墨卿修刺謁自慙庸陋豈能文

盤盤襟量見夫君涇渭清渾次第分道德餘光裨日月

才名晚節際風雲救時雅負姚崇志奉使曾竒陸賈勲
會看德星明絕徼不妨清夜候天文

雖居畎畝不忘君行止難將一語分貧陋自甘門挂席
明光誰奏賦凌雲宦游海內寧容跡翰墨場中擬策勲
函丈今朝接餘論我知天未喪斯文

同知禱雨殊應

去冬新歲旱堪憂賢倅精誠力禱求設次致齋先潔已
出郊徒步為迎湫一犁甘澤應無負萬頃來甍看有秋

老弱免為溝壑慮定將何物報吾侯

麥針塊底渴春膏旱暵經時土不毛
致此精神何愧怍沛然甘澍解焦勞
寸心已自孚天意一飽端能及我曹
欲贊賢侯霖雨手賦詩自笑乏風騷

石節使漢中改葬二親

子平情事未能忘得告歸來辦歛藏
問具直須如古制興哀猶得似初喪
便教閣雨深知孝不待移辰始克襄
明日宦程又回首聲詩聊為發幽光

與徐伯弘廉使

柏臺蘭省見清規廉問西來未及暮憲府宏綱方日舉
秋官召節已星馳寸心天地殊無愧千載風雲自有時
山澤癯儒雖乏用尚能歌咏得賢詩

身退明時重挽留肯將富貴自為謀才名應是世間傑
心志當先天下憂鷗鷺擊強猶易見鳳麟呈瑞更難求
此行台斗終須踐海內沉疴庶有瘳

與郝僉事

人物當今比數中故家喬木迥難同釋寃正得真卿雨
疾惡方驚伯厚風忠義至誠知不負文章餘事亦能工
此行足慰斯民望但惜匆匆馬首東

小齋容膝為誰開賸喜分司使者來此日寵光生白屋
他年盛事記烏臺清風疊疊聞餘論霽月溶溶絕點埃
甚欲搜枯伸謝臆斐然成句不知裁

仲章分送雙鴨以詩為謝

飼雛分食顧鴟盤黑白成花見羽翰作對恍疑王令舄

能言新出陸家闌穿籬正恐比鄰惱蒸瓠寧供好客餐
思我且寬庖宰限塔前短足任蹣跚

次耶律奉使鎮南樓詩韻

雄視坤維有此樓恍疑八表繼神游山連秦蜀相鄰際
水接襄樊不盡頭陰闔陽開增偉觀月明風冷怯清秋
百年豪傑登臨處詩興飄飄隘九州

壽西軒王先生七十

當代聲名重泰山天教後學見衣冠老來已向從心悟

閒裡何憂致仕難
松栢交陰同種德
子孫承候數傳安
一杯滿為先生壽
宗主文盟閱歲寒

金州王節使惠茶

王因論鹽法至府

一緘雲翰識謙和
紫餅相兼厚意多
惠我喜從金郡牧
報辭愧乏玉川歌
風生曉鼎清詩興
日永晴窓戰睡魔
豈止吾儕得真况
更期良法論鹹鹺

趙叅政寄墨

子墨客卿新見歸
尚書賢相舊曾依
人間鈞寵憐寒陋

天上台光接少微
九鼎鴻毛真借重
一珪玄玉爛生輝
情知造物留椽筆
勲業猶能為發揮

壽山木王國賓時總尹興元

早擅雄文直禁林
晚年隨處種棠陰
一言恕得聖賢印
萬物生同天地心
華髮元龜惟舊德
紫泥丹詔聽新音
道山日月春長在
且為梅花滿意斟

與曹總管

魯齋授受得精微
已際風雲見發揮
平昔功夫該體用

只今事業信光暉
吏民與我傾心久
人物如公屈指稀
前日泮宮聆一話
情知吾道有依歸

餞雷豫

鼎湖龍去已踰年
聖德神功付史編
四海遺文須紀錄
一時妙選及英賢
才華合起明光草
聲價曾依幕府蓮
東閣官梅春正好
肯稽王事少留連

送金州宣差

當代雄豪磊落人
一州叢爾豈容身
恩懷毗俗猶親子

禮貌儒生若大賓飽看江山三載滿促歸勲業一時新
我言有證非諛頌曾問甘棠戴白民

餞趙總管之蜀省叅政

江漢承流近五年榮陞執政入西川三朝再世忠誠著
雙相一門昆弟賢德量廟堂應不負勲名鐘鼎更須傳
春風到處隨旌旆坐覺坤維已晏然

賀大參趙公榮陞蜀省

先公忠孝有天知昆仲青氈復鳳池榮捧白麻瞻北闕

前驅畫戟鎮西陞賓僚共仰今朝賀父老難忘後日思
收拾五年寬惠政忍教寫入送行詩

鞏昌城隍廟古槐

槐枝壓屋修葺莫可郡同知
禱於神次日槐枝已剪移置

地了無聲聞郡人美其誠感徵詩
文以識之遂求予作因賦以寄

古廟庭槐已十圍
樛枝壓屋礙修治
公翰雖巧技莫展
別駕至誠神自知
靜夜不聞聲與臭
平明忽見剪還移
威靈豈但驚凡目
要索詩人為賦詩

御香至文廟

莫將灰冷歎斯文
使來添寶鼎薰晉卽祝釐皆有謂
泮宮行事未前聞
要憑明德通三聖
已見祥煙結五雲
但說天功非己力
二君不解代慙慙

贈武康楊吏目茂卿

簿領還回兩鬢絲
三年州幕嘆衰遲
耽書癖於左氏傳
覓語工似唐人詩
休憚朔風行役苦
要看晚節復榮時
寧馨好在長安久
想為親來出董帷

送桂時可教授

排雲閭闔叩天聰
名動朝紳一日中
旅困五年非敗北
水流萬折竟朝東
喜聞鱸序恩初沛
須信麟經道未窮
却似當年新及第
馬前惟欠杏園紅

劉君舉迎母陝西就養

鶴髮慈闈暮景長
豈辭王事不遑將
簿書曉出趨西省
滌髓時歸奉北堂
餘日固知當愛惜
孤雲無用更彷徨
他年厚祿回鄉里
要著萊衣捧壽觴

贈日者朱月潭

朱子胸中五緯學古潭霜後一輪秋談天有口逢清賞
印月無心異濁流浙玉不堪江漢住挑囊又作錦城游
臨行苦要新詩句為問饑來煮得不

題趙秀才鳩錢贖伯團聚卷

父兮生我已歸泉伯也為俘未出樊地下有知寧瞑目
天涯無奈只銷魂可憐孝子能承志所幸東人不寡恩
故里團欒燈火夜此行真足慰亡存

寄德衡弟同僚子安賢友

我亦聞弦解賞音未瞻眉宇識君心
脂韋肯與時情混
鐵石應知歲月深
千里神交同晤語
三年吾弟辱良箴
得朋久向西南望
何日相逢話續今

九月同李子文羅壽甫行城南溪上

溪水泠泠玉佩聲
沿溪路轉忽川平
襟懷鬱滯得開豁
腰足痺頑時散行
幾樹霜紅明夕照
數峰煙碧倚寒晴
茲遊勝友相酬和
殆與秋光欲鬪清

與阿齊同知

時任興元

氣如閣

貌敦龐胸次玲瓏三八窻曾盡小心忝禁闥
合膺高爵貳侯邦民知愷悌情先得吏見廉明氣已降
宣化承流何所似溶溶新綠漲春江

送丞爾佳權府赴并州同知

平生踐履用功深中歲名場見陸沉萬事已拚閒不問
一官能與老相尋涇源盼盼僨勞望漢水悠悠去住心
後日征驂杳西北更期珍重保千金

送張知事任滿回奉元

蓮花幕下盡儒珍
談笑風流獨數君
歸路不妨乘款段
簿書何足較紛紜
與人有約泉邊月
同我無心嶺上雲
此去終南定高卧
好音時遣數相聞

送經歷王元亨赴憲幕任

西軒老子笑顏開
喜見鷓鴣眼底來
可是官程還有限
又教行色苦相催
刀圭小試趨蓮幕
書檄旋聞赴柏臺
清譽如今塞朝野
誰云吾道乏人才

賀張尹新除

舊西鄉簿

除書捧讀謝恩歸脫却荷衣便著緋百里陽春能煦物
九霄郎宿更增輝徵科有道追胥少聽決無私訟牒稀
食祿固知男子事可能榮養及庭闈

與張錄事

先任平涼經歷

吏能曾試幕中賓此日叅軍姓字新百雉肅清應奠枕
九衢生聚少游民政寬定使征徭薄公退何妨笑語頻
近歲疲氓遭歉惡可無竒術弭吟呻

李子文得雄

子文集名
南溪類彙

掌上嬌嚶玉雪肌怪來黃色喜生眉固知仙李盤根大
却笑蟠桃結子遲稿類南溪應有託樽開北海更何疑
他年擬賦高軒過定說君家總角兒

次韻張仁甫見贈

窺竊陳編苦肺腸何殊鼠雀解偷倉自知日計成鳩拙
况與時賢敢鴈行推激過高增愧怍陪從未久見循良
泮宮鳴道須前輩如我空踈分括囊

與李總管時之興元任

御月分輝領郡章手持天誥出鸞行五雲佳氣觚稜遠
萬里先聲姓字香密勿久忝經國務慈祥小試治民方
他年史筆標循吏未信龔黃獨有光

次韻王仲禮

上巳約出
郊雨不果

朋友如君氣味投相尋一笑果何由暇中值雨惟思睡
貧裏逢春只辦愁行樂忍令佳節負光陰不為少年留
且看明日開晴霽拄杖從公到處游

德衡弟久患目疾昨送決明因有詩謝用韻以

荅

久厭酸滑帶涎此花功效敵黃連槐芽細細初供摘
菊蕾青青未鬪妍風味更宜濃煮茗醺酣休說內裝綿
我今唱和須留著付與他時小姪編

與汪同知

汪左丞子蔭
興元同知

三葉勲臣秉節麾生來官爵不憂遲貳車豈是淹留地
弱冠聊為仕進基未報君親心最急正當民社學兼資
更期養就凌雲翮復取青氈占鳳池

獸炭

山林斤斧日童顛陶穴還將烈炬然已許寒爐供歲計
更遭豪客損天全火牛熱尾終難遁霧豹焚身亦可憐
爭似繡簾金鴨好晝閒長吐一絲烟

題王提學曲肱亭

八詠南褒意未厭又看新榜照危簷不嫌疏食供清淡
時復華胥寄黑甜霽月光風非俗物仁山智水得珍潛
夢周老我今無復希聖工夫敢自謙

呈王西軒先生

耆舊風流不數人喜於函丈接清塵
只應賀監知前世肯倚王維認後身
萬古長庚常配月一言寒谷便生春
割雞已枉庖丁具聞有禎祥到渭濱

送趙經歷美解東歸

蓮幕雍容六見春簿書叢裏得抽身
筆端有藥醫民瘼囊底無金濟客貧
事與向時嗟勢異誰於吾道最情真
一詩不盡睽違意側聽除音入耳新

送陳洪道

有序在第九卷

風骨脩然野鶴孤，遠游應笑泣窮途。
藩籬不限終聞道，冠服雖殊內本儒。
曉揖清風趨孔里，晴占紫氣入殷都。
歸來胸次應瓌瑋，未敢相看作故吾。

上張僉事

面目春風鐵石心，堂堂人物重當今。
久聞珥筆司彈劾，喜見登車出按臨。
白璧溫純無少玷，朱弦疏越有遺音。
不徒汗簡留名字，清譽先傳滿士林。

送劉載叔歸鄉葬親

天涯陟岵歛兵餘淚眼驚看季父書
二老重泉成夢後孤兒萬里得歸初
欲封抔土心尤切難報終天痛曷如
愛莫助之應重感一詩何惜送征車

別總判忠翊任侯

悃幅無華更老成恬然隨分即功名
太羹玄酒有真味古磬朱絲非俗聲
漢郡每懷深仰德燕城不意遽趨程
再瞻芝宇知何日聊藉荒詩叙別情

彥實道錄職教漢中滿代

剝落浮華一味真三年道侶敬如新此時正際棊收局
平日方知德服人已辦內丹輕歲月更將外物等埃塵
歸歟重訪師門舊閉戶蕭然說養神

劉邢公慶九十應制

父子華顛一品崇古今四海罕能同賢良不羨齊轅固
齒爵兼儕衛武公羊出太官嘉會腆鳩蹲靈壽眷恩隆
小臣應制詩何取但願年年拜下風

養老優賢聖主心三槐劉氏慶源深邢公黃髮封宗國
萊子斑衣長禁林珍從忽聞恩有及寵驚自謂福何任
定將拜賜宮壺酒壽罍今朝滿意斟

壽秋谷平章

碩材扶護賴玄功已與明堂作棟隆江漢炳靈雖借重
乾坤間氣自難同勲名真似韓忠獻壽考當逾郭令公
更為皇家建邦本異時綠野樂無窮

此日慇懃薦壽尊祝辭富貴不須論春融定見叢梯發

陽復端由碩果存臧達忠言宜有後栖筠相業會傳孫
桑蓬准備為弧矢佳氣葱葱集慶門

周南翁待制奉母歸鄱焚黃

仙路瀛洲已快登兩封一贈死生榮庭闈垂白康寧福
丘壠焚黃感愴情鄱郡江山如有待潘輿里巷共歡迎
告歸莫作懷安計遠大須期異日程

贈茶劉先生

東海人有疾者
飲以茶愈故名

安期曾授棗如瓜更有通靈石鼎茶能使膏肓奔豎子

却愁名姓動京華
新泉活火隨緣計
明月清風到處家
仙道由來先濟物
豈甘朝市博烟霞

題曹溪應真圖

妄身當日已成空
幻影誰教落畫工
折葦浮杯皆佛事
降龍伏虎盡神通
朋儕十六緣塵外
世界三千變現中
我亦逢場聊戲墨
何須直待嗣宗風

挽天師留國公

留侯華胄復封留
學貫天人孰與儔
爵以上公膺寵數

年違中壽返仙遊百靈長護家傳劍一代空驚壑徙舟
耿耿輔元心未已玄宮應共祖師謀

妙齡驚悟讀儒書正一宗傳不怪迂感雪呈祥銀錫印
退潮為害鐵書符無心更欲居浮世有子還能嗣遠圖
玉兔仙翁成約在夢中騎鶴上清都

題祖生求母詩卷

盜起黃華發禍幾祖生五歲失慈闈淚如積雨幾時盡
目斷孤雲何處飛三十年中勞遍訪數千里外喜同歸

始知天理符人事孝感曾無間顯微


題某氏生封母

明時盛典世難逢慶集慈闈喜氣濃子歷官榮供祿養
天教壽嘏及生封鸞書優渥頌恩數象服尊嚴稱德容
積厚報豐知未已嗣今申錫看重重

送李元章赴縣宰任

東溪玉潤見名郎稔住京華任太常已慣在庭觀禮樂
仍須試邑課農桑持身有道廉為本恤衆無他惠是方

陝服古來稱召伯異時遺愛似甘棠



閑居叢稿卷五

欽定四庫全書

集部

閒居叢稿卷七六

詳校官編修臣錢 樾

侍讀臣孫球覆勘

覆校官中書臣汪學金

校對官中書臣潘奕雋

謄錄監生臣徐 莊

欽定四庫全書

閑居叢稿卷六

元 蒲道源 撰

七言律詩

題曲阜張善甫隱君八十卷

年雖及耄氣精明杖屨逍遙享太平
九老圖中新行輩一編地下舊家聲
里仁幸自依先聖鄉飲應多拜後生
況是堦庭映蘭玉世間此樂足為榮

送客省副使豫章冷敬先

楚材晉用昔曾誇况復車書正一家有服在僚瞻日月
何心歸隱老烟霞高挽綠漲行期近喬木蒼烟故國賒
文獻風流知未泯江西宗派浩無涯

題胡景清求母辭官歸養卷

母子天性磁石針可憐海北與海南弱齡已為值兵散
此日應勞泣血尋萬里雙親徐氏鏡百年一片壽昌心
辭官詔許榮歸養孝行從茲照古今

壽豫齋王大學士

清時名德細推排海內於今數豫齋官歷聖朝凡四葉
澤流家世自三槐人間勝日居仙府天上文星近泰階
紅頰霜髯真壽相川增坐見福無涯

政府曾聞力懇辭瀛洲雅志得逶迤正人一指為公屈
吾道寸心惟上知智若著龜深自晦壽兼松鶴遠難期
辦香袖裏仍留在不為南豐更有誰

送秦巖卿雲中遷安令

妙齡秀發入詞林載筆優游歲月深人謂秘書為有子

我知美邑得無心折腰且就陶潛米試手須調子賤琴
戢吏愛民為急務京畿咫尺聽佳音

題關中某壽母八旬卷

今代還推孟母賢天教無恙得長年八旬更數身逾健
五福能全壽最先晚景天書加寵錫諸郎雲路盡聯翩
慇懃朝貴題詩什與作關中盛事傳

趙待制求贈梓人高天祐

前代公輸孰與儔高生匠手擅名流斧斤如向風中運

規矩還從法外求，天上寶宮時幻出。
人間金帛價爭酬，文章老我知何用。
休說能修五鳳樓。

赴召過益門鎮望寶雞

數程危棧束蒼崖，漸喜峯巒兩翼開。
人語乍驚成巷陌，馬蹄方試踏塵埃。
隱如城郭周原峙，渾帶泥沙渭水來。
借問寶雞何處是，居民遙指鬪雞臺。

初至京城寓居言懷

道途奔走四千餘，憔悴京城僦屋居。
曉逐時英登館閣，

夜因羈夢到鄉間將衰敢望功名顯臨用應慚學術踈
落月孤雲天一角眼穿誰為附來書

題孔邦彥妻趙氏節行卷

早年艱苦百罹逢夫也云亡子憫凶但有誓言維我特
豈無膏沐為誰容天留歲紀今踰七春滿孫枝又見重
素志初非望旌表要期無愧若堂封

題達實特穆爾大夫所藏王維畫寒林曉行圖

野景荒寒霜意邊踈林僵立勢叅天定應畫妙王摩詰

故著詩清孟浩然驢怯小橋鞭不動風掀危帽整還偏
官閒老我叨君賜紅日三竿尚晝眠

題某氏壽母八十卷

鶴髮慈闈八十春眼明紈線自能紉賢郎秀發五枝實
家法嚴齊三相陳金母年齡天上籍玉堂人物坐中賓
都城盛事皆傳說亭育端由聖世仁

題節婦某氏卷

閨門雍睦禮無虧婦德鄉閭足可師一旦我儀天遽奪

百年心事死為期
養姑親爨尸饗日
教子挑燈旋績時
晚歲雙珠儘光耀
華旌不負柏舟詩

和秋谷平章示內弟韻

自攜書劍出茅齋
納納乾坤入壯懷
雷電龍淵隨變化
君臣魚水喻和諧
闡明公道皆誠服
杜絕私門勝力排
却是人間要霖雨
山中未許去藏乖

又

治民敬事凜如齋
先聖微言要永懷
異議只從三尺謹

同僚休失八音諧
官閒農務宜敦勸
訟簡衙兵勿用排
自此修程無滯礙
端由輪轍不相乖

送李彥長西臺御史

閣靖
軒塔

來遲欠拜靖軒翁
欲識翁甥復燕鴻
偶爾臺評能見用
翕然士論快稱公
騰章會聽言時弊
攬轡行看振古風
秦蜀瘡痍一昭洗
始為不負讀書功

送孫和伯西京宣慰副使

度外功名本不忙
忽傳有詔拜龍光
一門爵邑神川郡

兩世春風畫錦堂此去條章宣上意向來父老識文莊
渾源喬木人曾說難似君家得久長

送京師學正鄭棊下第還家

博帶褒衣氣吐虹
褒然欲試讀書功
禹門方逐魚掀浪
宋國俄驚鷓退風
不見色間形喜愠
果能度外置窮通
請看赴海源泉水
曲折雖多勢必東

和國子博士劉損齋喜雪韻

謝庭柳絮起因風
模寫雖工恐未雄
三白兆祥皆帝力

六花施巧竟誰功
仙家迥出塵囂外
治世都歸粉飾中
莫謾相撩吹入鬢
祇今衰颯已成翁

題具樂堂卷

為陳尚賓
修撰賦

金昆玉季樂如何
恭友相承意不他
既識天倫為最重
應知日用莫非和
堂中我自墮簞奏
世上誰猶布粟歌
試看春風紫荊樹
今年花比去年多

題祁真人寫真卷

神觀超凡本是仙
一塵猶有世間緣
聖君賢相逢嘉會

玄教宗師嗣正傳他石屢攻增瑩潔洪鑪百煉愈精堅
虛中已悟無為理歸路松風正洒然

贈醫官靳善長

術精能獲十全功名列賢王薦剡中為相為醫分職異
活人活國用心同逶迤禁蘖追先達度越時流齒上功
莫作區區方技看似聞吾道亦深通

壽額森特穆爾承旨

分茅胙土世臣家開府門崇蠡與牙曾歷紫樞叅宥密

復居玉署占清華
棣聯芳萼輝相映
梅趨和羹味已嘉
擬頌岱宗稱壽祉
向來魯頌不須誇

送河南省檢校某之任

聲譽喧傳表著間
暫辭東閣未容閒
傾心汴省來何暮
分手都門去莫攀
但得胸襟清似水
寧憂簿領疊如山
會看檢校成功了
早晚絲綸聽召還

賀秋谷平章得子

玉作隆顛貫伏犀
天教後得且先迷
慶源固合來茲計

外族何殊出自齊子姓幼能知指李軒名今已驗生稊
直須辦取如川酒要為明珠洗却泥

天上麟兒入眼竒恍然記昔夢熊羆始知仙李流芳遠
不恨蟠桃結子遲積善在公宜有後助歡於我可無詩
肯堂氣質雖云美養正工夫在此時

送文璋甫陝省都事之任

華胄遙遙潞國來照人儀表亦雄哉文章自昔雖能事
勲業於今要碩材陝省謀謨資密畫秦民瘡痍重堪哀

知君胸次多奇策和氣春風力挽回

壽程雪樓學士

天生元是玉堂仙游戲人間五百年南斗文星應合避
北方學者未能先燕毛鄉飲當居上鷺序朝儀合在前
多幸不才蒙薦引斐章為壽得黃緣

挽忠菴劉萬戶

嘗竊父於獄
戰歿於雲南

仁不遺親義急君公兼勇知膽輪困挺囚竊負誰無子
陷陣先登我有臣瘴雨蠻烟雖戰歿秋霜烈日與爭新

立身大節惟忠孝豈意顛波得此人

挽集賢文學士

文天祥子
字學山

忠節前人著大名天教有子嗣家聲集賢聞望期他日
過隙光陰了此生痛惜朝中餘舊友還歸江左但銘旌
嗟予雖未瞻芝宇聞說風猷亦愴情

題温州宣差德政卷

名拜特
穆爾

溫郡賢侯識未曾刺繁治劇有奇稱撫摩凋瘵恩尤厚
搏擊豪強氣益增君繼龔黃知不忝我非元白頌焉能

政聲今已聞京闕會聽天書早晚徵

賀王國元新屋

官資富潤了生涯新敞高閣氣象嘉棟宇已看施藻繪
階庭正欲植蘭芽肯堂肯構知賢嗣聞禮聞詩亦故家
善頌願師張老祝長教人屋兩俱華

賀秋谷公贈崇德應奉詩韻

趙子能詩雪滿簪知言秋谷最為深便教價重連城璧
更覺聲如擲地金味向靜中時自得境逢佳處獨幽尋

晴窓展讀興三嘆不意還聞正始音

次張子文韻

故人尺素嘆沉魚久客常情念秣駒五畝贖知歸計好
一生元向宦情踈近因信自鄉關至又報冬來雨雪無
我亦悵然懷舊隱不須更待和詩餘

挽龍虎山提點張滄州

鳳凰詔下始霑恩龍虎山遙已斷魂人事限成今古域
神游跳出死生門定知紫府功應滿空憶滄洲號獨存

好去江南一函玉翠崖深處斲雲根

應制壽趙公王彥舉八秩二首

四朝人物數耆英八秩開祥薦壽觥詩賀仰承天子命
身閒仍占地仙名松椿定副齊年祝桑梓誰如趙國榮
玉立賢郎亦卿列公生不枉得長生

素履祗勤孝與忠青宮羽翼記前功年登八秩家居樂
祿視三公帝眷隆內使宣恩同湛露詞臣作頌擬清風
一時富貴知多少晚節能全孰似公

追憶山木王文貞公

因公初
度有感

憶公昔歲尹興元此日賓僚盛綺筵曾領梅華添壽筭
更磨松劑寫吟牋音容已作今生隔言行終貽後世傳
飽食却慚忘所自偶因歌枕淚潸然

張編修子文年五十得子

蓐方擇吉問醫師已獲驪珠慰渴思助慶將開湯餅會
得官正趣簡書時年迎周易大衍數夢應斯干小雅詩
客裏值兒初度日無菑長命祝嘉辭

送白雲平章致仕歸白雲山

道明國體學宗儒接武夔龍贊廟謨日昃退休黃閣早
雨餘歸去白雲孤千金趣賣為供具八詠流傳入畫圖
命氏進階隆寵數常人出處似公無

壽趙總管

漢郡年前舉壽卮天教此日會京師容顏視昔初無異
精力方今尚有為稟德我知真宰輔增光誰似好門楣
四朝耆舊康寧在國論諮詢未可辭

送吳閑閑真人

玄德真人領教宗一時清貴齒羣公問安日報雙親健
上壽天教八袞同饒國並封榮莫及莊椿齊歲福兼隆
一門盛事誠堪賀不惜題詩在下風

題梁協葵親後得子詩卷

梁生昔未葬雙親夜淚漣漣腐席茵馬鬣成封泉下穩
驪珠呈瑞掌中新子平既已申情事伯道何勞慮後人
遙想成陰多宰木賢郎楚楚一時春

送王某之千戶任

古來名將盡儒流，右選君今得與儔。
況際武功皆帖服，何妨文雅恣優游。
官資奚啻千夫長，骨相終封萬戶侯。
莫為此行增感慨，貂蟬元自出兜鍪。

送田修甫甘肅省照磨

識君倒指十年餘，一味清貧宛若初。
自陝至京懷舊歷，出臺入省喜新除。
一鞭明日催飛騎，尺素何時定得魚。
客裏自憐還送客，不妨握手暫躊躇。

賈致道監修京師廟學詩卷

聖朝天下一戎衣文治方隆萬世基已集大成新廟學
更崇首善自京師元臣力贊應誰似工部賢勞不已私
欲識賈君奚取信後人請讀辟難碑

送郭幹卿歸葬

與君齟齬漢中居入學聯翩共挾書一別到都談話際
細思隔世夢魂餘松阡馬鬣封應切蘭省鵷行跡暫踈
歲晚遲回傾肺腑我歸亦已卜春初

題王世賢旌表卷

死事兩函忠義骨零丁萬里負歸來泥行露宿悲寒野
雨泣風號掩夜臺事母至終尤盡禮聞兄已乏復通財
若人此日能章顯端使民彛啓迪開

送謝敬叔之雲南教官

知君文獻有淵源豈獨風流晉宋間積德百年根自遠
登科兩世桂曾攀冷官乘傳方南邁温室頌恩看北還
吾愛吾廬欲歸去少留遲子道家山

挽夏可軒

夏真人父以子恩封學士拜命而卒

鄉里閒居七十年曾經海水變桑田
諸郎儒業俱傳素一子仙科獨悟玄
文館有光興白屋可軒無憾及黃泉
抵知門外方來賀誰謂堂中已泫然

題延安李氏賀八十二詩卷

富貴康寧畀自天君能好德更為賢
幾人如此享全福八秩豈惟多二年
倒指鄉中稀行輩牽衣堂上見曾玄
詞林有筆難輕許敬老何妨贈一篇

壽秋谷李平章

延祐五年十一月一日

胸中浩浩渺無垠，智數何如一味淳。
貝錦縱成萋菲巧，珠旒難眩是非真。
吉人壽考惟天相，盛德光輝與日新。
底事勤拳苦祈祝，斯文元氣在公身。

送趙子敬平章之蜀省

耿耿孤忠結聖明，羣言力詆不能傾。
方參國論還持憲，既掌綸言復鎮京。
分省新加金虎重，去程舊識碧雞名。
腹心一旦勞宸慮，召節旋聞到錦城。

向曾赤手掣鯨鯢桃李何言下自蹊帝座正期星拱北
蜀天還見月生西琴無餘蓄師清憲錦不為榮慕推圭
誰果留行深愛惜酸醎異嗜固難齊

和霍思齊接駕

六軍嚴衛抱珠璫曉發衝開宿霧寒象輦塵清千里至
龍顏喜動萬人看踐木屐戒畋秋騎獻果爭迎住夏官
自愧涓埃無以報敢辭奔走候儀鑾

揚厲鋪張大雅詩紀功頌德不求奇兩都全盛有今日

千載遭逢無此時龍駕遠同虞夏狩羽林雜用漢唐儀
近臣護從歸來喜飲至滿斟金屈卮

送光州成知州

聞說光州太守賢寧辭朝籍撫民編雖云有祿二千石
肯取無功三百廛燕市春隨行色動淮流日共政聲傳
恫瘝正望龔黃藥莫惜圭刀使盡痊

寄陝省蔡逢原参政

禁林風采動羣英國學師模藹盛名蘇子文章妙天下

陽城忠孝誨諸生蒹葭倚玉吾何敢舟楫抗川孰與京
厚祿故人書不斷十年滿慰別離情

蔡見和前詩至復用韻寄之

明時西顧倚耆英實惠非求赫赫名但願人皆簞食樂
寧教我獨甑塵生九天寶墨欣分陝一旦徵車恐赴京
矯首悽然東北望無因傾寫向來情

題敬山詩卷

北窓自作山中夢南國真逢夢裡山不比楚襄因嗜慾

擬隨謝守共躋攀奇峰已隔江湖外
拳石長陪几案間
敬字終歸仁者壽
公年雖老尚童顏

寄鹽運使王君貢

京師分袂閱年深不意榮除送好音
調鼎定為他日兆生財且盡此時心
舜城風物供新眺漢郡烟花入舊吟
兩地相望難晤語空齋鬱鬱抱塵襟

題王士敏副運時省齋

敬能直內此心存不逐紛華向外奔
政要惺惺明理慾

豈容兀兀度朝昏反身固闕希曾氏篤力情知過孟賁
頃刻工夫無間斷修途端造聖人門

題呂氏火後屋存手卷

儀真有客近傳聞佐部廉平昔呂君親老便為萊子養
屋成不負退之勤謔謔出出災難避默默冥冥理自分
可道祝融無具眼從教玉石與俱焚

題紫陽先生故居詩卷

當年吾亦愛吾廬身後寧容老氏居精爽自今還舊觀

斯文終古見遺書雖無嗣世能傳業賴有當途為表閭
闕是中行真義勇我知過者但歛歔

挽秋谷李平章二首

往來徒步走神京導日天教作啟明朱邸既升黃屋貴
蒼生始識白衣名兩封大國雖為重三入中書未足榮
定難崇文相真主甘盤舊學獨崢嶸

一舟也會弄烟波事有難為可若何涕淚仰頭瞻北極
夢魂開眼悟南柯用人誰解當年意取士仍循舊日科

磊落勲庸無復紀令人憤懣寄哀歌

寄和運使王君貢

久矣斯文嘆陸沉邇來不意聽韶音
兩篇都是清新語一片深知故舊心
華髮殘年良足慰青燈永夜獨微吟
海鵬東去雙飛翼對坐琅琅寫我襟

己巳何茂實山莊

天開地闢有佳處須待智人方見幾
一把茅茨真得要四周風物總知歸
雨晴巒嶂名工畫霜晚溝塍衲子衣

林表雲端煩指點不妨極目到殘暉

南岡勝處結團茅四面峰巒湧翠濤坐卧都教收好景
往來不復厭長郊心田樂為塵囂靜眼界寬因地步高
况有主人偏好事更能置酒具山肴

丁卯賦杏花

旭日東牆老樹新一枝迸出許多春嬌兒稚女生來好
袿服妍粧聚不勻紫蠟光凝初點蒂丹砂力盡恐成塵
詩家自有如神筆安用徐熙更寫真

與德衡弟論詩書以贈之

松姿鶴相兩矐仙閱世都過七十年得意江山元有助
放懷風月自無邊古今膏馥奚從勺伯仲墳麓孰使然
天與吾宗真樂在大家心會口難傳

病起示德衡弟

兩顴高聳目眵深短髮蓬如不受簪博帶褒衣惟我甚
陳編墜簡復誰尋瓠肥可愛難同昔松瘦能堅繼自今
血氣已衰餘習氣曉來欹枕尚微吟

辭陝西儒學提舉閒居言志

布穀聲中雨散絲
曉窓濃睡正炊時
春來暖透黃紬被
老去甜歸白粲糜
仕及引年何況病
官雖閒局亦當辭
為予多謝門前客
莫怪慵夫應接遲

宋待制父子璋年八十二封京兆伯

積善由來獲報豐
吉人方寸與天通
賢郎已陟烏臺貴
神理應憐鶴髮翁
五爵登三榮亦至
八旬逾二壽兼隆
世間孰是無親者
泚筆題詩喜意同

詠雪三首

臘後春前正欲求天心人意似相謀
六花半夜將平尺
二麥明年占上籌
神理定償憂國願
聖明真得富民侯
作詩紀實非虛美
誰為傳聞達冕旒

斯民一飽復何求
三白能為久遠謀
簌簌寒聲隨晚籟
濛濛陰氣暗更籌
麥肥是處遮黃壤
人足豪家比素侯
寬得九重宵旰慮
遠方無路獻前旒

貽我來麩副夙求
天教滕六預先謀
夜窻聽響初鳴紙

曉砌探深已沒籌客寓吾鄉稱樂土農歌此瑞屬賢侯
須臾見覘還消鑠蒼溜淙淙若綴旒

題雙峯王氏卷

家學淵源久益醇緒餘纔出便驚人雙峯自號存丘首
兩辟皆辭重席珍身已歸全無愧忤子能嗣業更光新
芳名合載連城錄秉筆伊誰繼後塵

題西鄉張明府佚老堂

明府辭榮樂道真襄山題扁見情親忘言秋水心無累

屬望晴嵐德有鄰座上樽今日計門前五柳舊時春
慇懃為報升堂客料擬西風滿袖塵

德衡弟餽石榴三枚

遺我盤中碩果三累累多子出包含光搖鏡面丹砂碎
冷結金莖瑞露甘一本同胞吾有感遠條盈約彼無堪
夏花歲歲開時節莫忘重拈助笑談

仙桃千歲又三三此果初花孕已含勻顆看來無揀擇
異根嘗處有酸甘蔗漿縱美色難比芡實雖多味不堪

古本乾時微嚼破對君應不倦高談

賦梭扇三首

夜叉獍惡挾飛廉驅逐蚊蠅號令嚴更得此君遭柄用
少寬其帝正司炎與邦自可詢黃髮除虐何妨奮紫髯
髡首剥膚依見笑庶令人免汗流沾

剪葉裁綃價亦廉面雖窪橢性方嚴謾然綺席風生細
忘却崑山火勢炎無事笑談勝麈尾有時驚詫拊龍髯
髮皆上指君知否恨殺青蠅到處沾

清臞仙相伯夷廉火正聞風自解嚴倒著漁蓑能禦濕
偃為鮐背肯趨炎相看似隔年前面一笑還掀尺許髯
伴我納涼供雅具不妨席上雨來沾

題鄜州張使君漢臣母貞節詩卷

孀親凜凜拍舟風自幼蘄然已不同涵養果能成令器
激揚應亦待諸公在官美績傳身後頌德佳章滿軸中
有子佐州還嗣業情知世澤尚無窮

題沁鄉諸公同樂會卷後

鄉里歸休會故人却尋野服脫朝紳歡情不厭詩兼酒
笑語奚分主與賓洛社流風今未減沁鄉同樂意尤真
畫圖題詠閒披翫俯仰還驚迹已陳

送何審道之韶州巡檢任

為士安居不可懷出門前步儘無涯傳家醫術經三世
發軔官程始一階帆順好風通澤國書應何日到山齋
九齡生處休言遠有志飛騰亦與儕

寶雞縣與雷縣令值中秋

寶雞濡滯阻湍流喜識賢明百里侯學道愛人君可紀
樂天知命我何憂兩家各有根原自一話都無芥蒂留
別後相思渺何許年年須記此中秋

次素巖賈文起秋闈同考試見贈韻

陝省

竭來秦地豈優游要試朱衣暗點頭力主斯文惟舊德
情知元氣在中州清宵忽起家山夢何日還陪杖屨遊
別後有書能寄否碧天無際雁橫秋

棘闈清論浣塵襟掃退淫哇奏雅音不恤從違諠俗議

要期取舍合天心
鼎彝陳列瞻清廟
矛戟森嚴見羽林
考閱已從公借重
歸歟三徑復幽尋

九天充賦破天慳
漸覺斯文古意還
多幸長鬚為座主
更驚偉節在人間
得材應共掀髯笑
為國難甘袖手閒
數日陪從重倒指
管中文豹僅窺斑

羅道錄以事註誤至鳳翔得解而回

玉虛人羨地行仙
陽九相遭不偶然
官府久知辭上界
風波何事起平田
向時公治元非罪
此日王貽幸獲全

益信聖朝寬大意更勤香火祝堯年

金釵剪燭

幼作

歌舞蘭堂夜色深
燭花輕剪試釵金
分開小鳳雙飛翼
撥盡寒灰一寸心
玉淚亂隨紅袖落
蠟香留得碧雲簪
短檠二尺挑寒雨
頭白書生正苦吟

題李行簡憲使錦城西墅

錦城西墅類槃阿
釀酒弦琴適意多
軒冕浮雲莊夢蝶
桑榆斜日魯陽戈
門無定客來同飲
兒有新詞許再歌

老我漢南忘寵辱碧江烟景侶漁蓑

槐芽

樛枝屈曲走龍形無數新萸已茁青嫩色
遠看浮古陌清陰漸欲蔽閒庭
蟻根初入封侯夢卵椀涼挑煮餅馨
種德曾聞興相業願從萌蘖乞餘靈

閑居叢稿卷六

欽定四庫全書

閑居叢稿卷七

元 蒲道源 撰

四言絕句

題鈍訥軒卷二首

銛鋒不露鈇刀豈類盤錯儻逢方知利器
文子訥訥嗇夫喋喋勿觀其言觀其事業

五言

題太原郭宅張節婦

哭晝矢靡他撫孤勤亦至庶即此心安門旌非所事

題息亭詩卷後

靜中含動意息處已生機寄語名亭者功夫在謹微

題東坡用蔗滓畫小丘寒木

寒柯凋落盡斷壠剝蝕餘無心蔗滓畫有象榴皮書

曉起偶書

血肉軀誰主惟心要在腔難求還易放非敬莫能降

題八景

古塔標峯

亭亭古浮圖誰識山藏寺遠目見孤尖路阻無由至

憨泉灌園

泉有灌溉功憨名固不可主人智若愚辱汝暫同我

棠店霜晴

蔽蒂逆旅側夫誰思召公可憐秋向杪初日映殷紅

石門晚照

斜暉挂林梢金翠射危嶺倚杖獨吟哦愛此桑榆景

白雲隱岫

溶溶拖匹練，靄靄沒層巔。無心舒復卷，蒼翠只依然。

綠埜芳春

膏雨染郊原，滿目皆生意。裴公有新堂，能與樂天醉。

菟村夜雪

夢澤今宜麥，六花平地尺。有憶令尹賢，不見新蹄跡。

埜山秋霽

岡巒界南服，迤邐屏嶂列。金氣極高明，嵐光正竒絕。

際戊午

人生固願仕時有利不利與其進無成何如且藏器

有為

少日為貧賤非敢為人師朱墨置左右稍集里中兒

幽亭

烏紗一幅巾紋簟六尺牀無人竟日靜有風終夜涼

六言

題百魚朝鯉圖

江漢朝宗于海巨魚于此周旋却有群鯢推長我知理
勢當然

漫題

花下提壺勸酒桑間布穀催畊甚欲晴天行樂却因春
雨關情

戲簡德衡弟移菊

我有淵明舊癖興來時遠東籬為問黃花何在盡隨綠
草枯萎

遙憶君家籬落霜枝露蕊爭新擬乞數叢秋景恨無一
首陽春

夢中偶得

昨日潛居白屋今朝拜賜緋袍金榜天門烜赫玉堂地
步清高

贈月樓相士

眸子瞭然秋月胸中自有樓居高明既已如此風鑒乃
其緒餘

七言

與王同知

久傳旌旆出咸秦
引喙梁民渴欲塵
今日承流真慰望
須將膏雨入新春

十二月旦日南營探梅次韻

畧得餘閒便一來
花神靳惜未曾開
春風爛漫尤竒絕
更費詩人探幾回

讀宋四將傳

并序

余讀宋四將傳劉錡李顯忠死皆得正命魏勝戰
歿亦可無憾獨岳飛功業於諸將中尤卓然者竟
斃於秦檜張俊之手重作二詩以哀之

權臣通敵偷家賊奸將持兵養病醫報國丹心惟自許
身終不免更堪悲

提兵殄寇功垂就下詔班師事已非天遣封疆限南北
區區空嘆失時機

戲贈螢火

庭院深沉月黑時
悠揚金燼不勝吹
鼻端粘笑兒童劣
却道囊盛是古追

仲夏望日郊行為王道人賦

泂溪偶話道人家
素不相知便煮茶
塵慮兩忘談笑好
西山已報夕陽斜

乞芍藥

聞道揚州絕品花
牽風帶雨破天葩
銅瓶淨滌求清供
不挿青裙兩髻丫

和趙君錫題王仲禮壁韻

迅速光陰一旅亭功名不貸鬢毛青此身未入雲臺畫
半夜披衣望列星

癸未正月三日試筆

休嗤弄墨與團朱治世功勳儘有餘傳語管城毛穎士
今年封爾作中書

春日同諸友登城

閒上高城發興新東風力軟不驚塵眼前有句何勞覓

遲日鶯花一片春

題王羲之鳳墅續帖

吳山佳處梵王宮樓閣崢嶸出斷峰不見子雲當日字
暝烟殘照但聞鐘

次德衡弟送芍藥韻

天然滋膩不須粧紅玉盤盃散異香收拾春光來慰眼
恨無才思比王楊

賀扈宰先人愚軒

寒衣饑食靜觀書出處行藏與道俱若以世間奇崛看
此軒端合號為愚

生遲不及拜愚軒髣髴名公大老篇不役聰明喪真實
如愚今日是家傳

與扈宰

心勞撫字拙催科用舍其如賦命何贏得在家勤教子
知君天幸最居多

為學工夫有等科初時下手果從何寄聲扈氏兩童邽

講誦要精無但多

贈山泉相者

布衣睥睨幾公卿，猶著山泉隱姓名。
肯為臞儒作奇顧，知君詩律未忘情。

向人開口泄天機，不管京塵解化衣。
歸去却將泉照影，商量今昨是耶非。

唐知州梅圖

畫圖髣髴見當時，肯作秋山坐忍饑。
已為梅花成絕唱，

不應今日更題詩

西湖風物縱依然詩律誰能續斷弦惟有孤山霜夜月
照溪踈影記當年

覓竹

君家萬挺碧琅玕乞我休辭斫數竿蔣逕多添風與月
繁陰缺處更宜看

題侯子寧堯民樂社圖

鑿井畊田生各遂簣桴土鼓樂何窮吁嗟澆俗慵開眼

今日披圖見古風

斯民仍舊祗堯民
田里胡為感額頻
消得東君輕著意
放教草木一時春

題陳伯敬清溪魚圖

溜溜清溪玉樣清
纖鱗如在鏡中行
何人寫作橫披看
開卷蕭然眼倍明

波光炯炯見魚游
掉尾揚鬐百自由
莫遣傍人混泥滓
却將竭澤一時休

次德衡弟九日以萸酒來貺

萸如蠅子攢頭赤酒似鵝兒破殼黃饋我真成兩竒絕
為君大醉作重陽

和李敬夫雪中竹韻

鳳尾搖空掃玉塵春蠶食葉靜中聞不須乘興訪安道
且獨開樽慰此君

十月一日郊行書所見

新霜茅屋曉初凝旭日騰騰氣若蒸墻下老翁閒曝背

滿前匍匐弄雲仍

送汪得心相者

君觀廊廟人應衆我閱江湖士亦多說號得心誠可喜
願聞所得竟如何

款門一笑見于思袖出名公字與詩莫問星躔兼相術
只消晤語已堪奇

次晏教授月蝕詩韻

狡兔但為三窟計妖墓敢肆一時貪誰知所養翻貽患

遙想嫦娥亦自慙

題金州望江樓

江漢朝宗萬古流此身隨寓一虛舟
勿云信美非吾土却為登臨感百憂

次仇教授西鄉道中言懷

荆榛莽莽暗前村間有花枝弄好春
誰料山禽解生事一聲腸斷未歸人

二年鞍馬真如夢一瞥風花又過春
獨向荒山苦吟咏

不知歌笑屬何人

花枝不管人為客笑向春風滿意開
忽憶尋芳年少事
夢魂曾繞故鄉來

題洋州土神祠海棠

一點芳心肯破慳恨無紅錦護朝寒
花如解語應須道
多謝詩人著眼看

寄弟德衡時為灌州判

木瓜丸與川芎散脚氣頭風正所需
聞說永康真地道

頻頻能為寄來無

賀瓜爾佳服膺四十得雄

聞說驪龍百仞淵
頷珠光彩動星躔
一朝掌上殷勤看
沃却塵心四十年

有種公侯元自貴
無災襁褓便相宜
可人渾似鷓鴣好
會看雲霄奮翼時

龍岩上人工紙羅扇

楮先生掌絲綸事
柄用還須召此君
且為蒼生今日起

相期解慍助南薰

楮先生上凌烟閣便有驕奢紈綺姿
賴得此君來柄用
端能諷諫進良規

題龍岩上人手卷

子母牛

老牛憐犢立欲乳
阿童騎背箠且行
我怒責童童不聽
翳爾獨無母子情

蝶

粉翅翩翩喜弄風
三三兩兩占芳叢
不知偶向橫披看
疑是莊生一夢中

墨竹

猗猗誰墨此君姿
數寸風梢具體微
月落空庭看脩影
坡詩端解發真機

韓同知求雪意圖詩

青山縞素遠連空
漠漠江雲一色同
畫史翻嫌太愁絕
故添茅舍酒旗風

雪意圖詩助有神灞橋驢背總非真要知一片荒寒景
試問華陽道上人

題岐山令田修甫弄璋卷

華筵曾坐繡芙蓉張氏門闌喜色濃此日合為湯餅客
岐梁相望幾山重

懿氏鳳飛真協吉周人熊夢果徵詩從今便可令高戶
興起田宗定此兒

題山臞相士卷

一雙眸子了生涯
毫髮寧容貴賤差
符藥有神兼濟世
江湖無處不為家

我真山澤一臞儒
腐簡陳編與世迂
自揣頭顱知分定
作詩聊復贈山臞

題李唐臣愚齋手卷

役心用智損天真
箇裏工夫自日新
若把愚齋為實用
先生豈是打乖人

涉世圓機不解為
傳心方策儘能知
坐忘久欲希顏氏

瞠目從教號絕痴

題驪山溫泉

數語盤銘照古今後人為戒最宜深明皇果愛溫泉好
合洗當年嗜慾心

總判任侯夢中

任嘗為鳳翔縣尹

相別區區理釣鈎磻溪原是昔時遊夢中晚節傳佳兆
呂望何須嘆白頭

題杜敬叔廣微子畫山水圖

野水孤舟恹澹中無聲詩裏見元功却因今日廣微子
還憶向來忠愍公

題楊紫陽墨蹟後

世人賤目貴傳聞惟有桓譚識子雲不見紫陽身後事
半緘詩草播清芬

題鄭州

闕

卿友于亭

一家雍睦祖傳孫和氣薰陶薄俗敦可道鄉氓息爭產
忍持訟牒過君門

喬木枝多一本根春風三世蔚然存無庸專美張公藝
百忍爭如孝友恩

題節婦某氏卷

四十年前失藁砧華如桃李古松心門今表節兒從仕
孰謂皇天不鑒臨

題伏生授書圖

壽考天教作漢儒口傳秦火不焚餘晁生應命非心受
終被申韓誤殺渠

題繡牛圖

農務閨情不一般
女知稼穡亦為難
金針不繡閒花草
繡出田家黑牡丹

題韓滉畫移居圖

民生窮蹙可憐渠
東徙西遷定業無
如我當年見韓相
乞教畫箇井田圖

題賈氏先塋手卷

異時牧豎上荒墳
淚睫承悲感雍門
賈氏先塋還舊觀

九原可作念遺孫

題姜昭文端禮秋萱

名號宜男已自嘉
秋深底事見竒葩
若非兆應添丁瑞
何不移開別種花

霜露寒時亦有春
四端統處孰非仁
秋萱莫作尋常看
也要工夫驗此身

題閻氏知止堂卷

茫茫歧路嘆人間
君獨歸來晝掩關
高枕北窻方自適

鳥聲何處亦絲蠻

止義雖存良象中更將大學與研窮果能至善為歸宿
不枉從前贖費功

贈傳神劉生

人賦形神萬不同劉生下筆便收功能參水鏡無心處
迥出丹青著意中

題沙洲宿雁圖

江湖渺渺樹離離陽鳥攸居歲暮時安集甚難驚散易

等閑漁笛莫輕吹

題楊仁卿孝行卷

盧墓烏數
百巢家庭

歸從墓次釋衰麻烏亦能知孝子家自是依仁非擇木
漫漫別樹日空斜

題王茂先雪景乘驢圖

世間何地著詩翁多在荒寒雪景中無限青樓貴公子
擊鮮為具醉春風

題鄧勉夫鼠啣瓜圖

老黠無人始出潛徑來
邵圃嚙芳甜世間此物不足怪
君子當存納履嫌

題劉氏滄浪書院

劉君能與道同波書院新成學者多
從此滄浪添一派
禹門行看決巍科

題李息齋墨竹

息齋生意發毫端寫出幽篁儘歲寒
橫幅一梢應看足
何須風雪擁千竿

凜然風節伯夷孤氣壓軍中十萬夫此老於君情不淺
掃除擁腫作清臞

題孝子旌門卷

孝忱初不願人知實在名隨理固宜莫道門旌今已了
始終大節冀無虧

題雄州胡潤甫力農教子卷

秀民自古出於農為學能知為己功不意士生三代後
有如胡氏繼高風

題蒼玉亭卷

冷光翠色入踈櫺
歲晚相看眼共青
靜聽蕭蕭有餘韻
似能和我讀黃庭

應制壽王平章

身兼天下達尊三
應制操詞恐弗堪
竊取崧高詩序意
以為公壽足無慙

贈人致仕養親

其人曾為百夫長

蓐食晨征夜斫營
當年報國敢辭行
餘生乞得非私便

要畫區區愛日誠

題茶劉先生卷

舌本翻瀾氣一呵
半甌茗飲起沉痾
蒼生命墮顛崖苦
却笑盧仝漫作歌

題解利卿義士卷

我飫人饑安忍見
彼貧此富貴能分
推財散粟同胞者
充擴仁心有解君

贈卜士張知命

人生分定有贏畸一定終身莫可移不是先生明剖析
紛紛擾擾竟何為

範圍天地一編書左右逢原取有餘獨善情知非已欲
更將疑惑與君除

聞家書至索看非是

何事鄉關信息真風簷不聽鵲聲頻世間多少陳驚座
半紙書來也誤人

題雀梅

竹間雪藥正開時
群雀無情啁曉枝
誰謂游蜂么麼物
春光纔透已先知

題牧牛圖

牛背如船一笛風
江村路渺興何窮
悠然起我滄州趣
不道題旌是卷中

閑居叢稿卷七